

SKALA RÅDGIVENDE INGENIØRER AS
Damsgårdsveien 131
5160 LAKSEVÅG

Att. Sindre Holm

Svar - Dispensasjonssøknad / endringssøknad - gnr 349 bnr 93 - levegen 189 - Alver kommune

Vi viser til søknad datert 28.09.2020.

Vedtak

Med heimel i veglova [§ 30](#) og [§ 34](#) gir vi dispensasjon frå byggegrensa mot fylkesveg 5316 for å etablere tilbygg på gnr. 349 bnr. 93 i Alver kommune.

Vilkår for dispensasjonen

1. Tiltaket skal vera i samsvar med situasjonsplan, datert 04.04.2019.
2. Avstanden frå tilbygg (inkludert takutspring) til senterlina på fylkesveg 5316 skal vera minst 14,5 meter.
3. Dersom tiltaket vil føra til endringar i samband med tilkomsttilhøva for eigedomen, må det framleis vera opparbeidd tilstrekkeleg areal til å kunne snu på eigedomen for å unngå rygging på offentlig veg. Siktkrav til eigedomen si avkøyrslø må følgjast.
4. Tilbygget må ikkje brukast til andre føremål enn det dispensasjonen gjeld.
5. Grenseverdiane for støy og luftkvalitet i rundskriv [T-1442](#) og [T-1520](#) frå Klima- og miljøverndepartementet må tilfredsstillast.
6. Det kan ikkje krevjast erstatning for skadar og ulemper som følgje av at bygninga/innretninga ligg nær fylkesveg 5316.
7. Arbeidet må vera starta opp innan tre - 3 - år frå dispensasjonen er gitt, om ikkje fell dispensasjonen bort.

Bakgrunn for vedtaket

Byggegrensene skal ta vare på trafikktryggleik, vedlikehald og drift av vegnettet, arealbehov ved ei eventuell utviding av vegen, og miljøet på eigedomane langs vegen.

Fartsgrensa på staden er 60 km/t og ÅDT (årsdøgntrafikk) er 300. Vegstrekinga er klassifisert som haldningsklasse 4 jf. Rammeplan (2017-2020).

Det vart søkt om dispensasjon frå byggegrense for dette tilbygget tidlegare i år, som fekk godkjent søknad med løyve til å bygge 15,5 meter frå senterlina. Dette er gjennomført med eit noko større

tilbygg enn det som vart søkt om, som gjer at det vert søkt ny dispensasjon med byggegrense på éin meter forskjell frå tidlegare vedtak.

I denne saka vil vi tillate å endre byggegrensa i eit nytt vedtak med ei ny byggegrense på 14,5 meter frå senterlina.

Vi vil med dette og minne om viktigheita med byggegrenser for blant anna tanke på arealbehov ved utbetring av veg, i tillegg til vegvedlikehald og drifta av vegen. Vi vil og minne om villkår 6 i vedtaket om at det ikkje kan krevjast erstatning for skadar eller ulemper som følgje av at tiltaket ligg nær fylkesveg 5316.

Rett til å klage

Ein kan klage på vedtaket, jf. forvaltningslova [§ 28](#). Informasjon om å sette fram klage, går fram av skjemaet [«Melding om rett til å klage over forvaltningsvedtak»](#). Fristen for å klage er tre veker frå vedtaket vart motteke. Klageinstansen er Klagenemnda for Vestland fylkeskommune. Send klagen til Vestland fylkeskommune, post@vlfk.no eller Postboks 7900, 5020 BERGEN. Klagen vil bli sendt vidare til klageinstansen.

Du har rett til å gjere deg kjent med saka sine dokument, jf. forvaltningslova [§ 18](#).

Med helsing

Kari Elster Moen
senioringeniør

Lillian Bakke Byrknes
rådgjevar

Brevet er elektronisk godkjent og har difor inga handskriven underskrift